

Latit. Gr. Scr.	Longit. Gr. Scr.	
31. 32. $\frac{1}{2}$	66. 42. $\frac{1}{2}$	Halhul in nona regione Tribus Judæ prima describitur inter urbes sex; Jos. 15. v. 58.
36. 15.	58. 5.	Halicarnassus, Alicarnassus scribitur 1. Mach. 15. v. 23. inter urbes, ad quas Romani in Judæorum gratiam litteras scripsere. Græci, Latinique scriptores omnes cum H. scribunt. Urbs est in Asia Minori Herodoti, & Dionysii Historicorum patriâ, & Mausolæo, sive Sepulchro Mausoli & Artemisiæ nobilis.
34. 15.	69. 0.	Hamath, Amath, Hemath, & Emath, unde Hamathæi populi ab Hamathæo undecimo & ultimo filiorum Chanaan, ii sunt ad Septentrionem Terræ Promissæ; sed extra hujus Terræ limites, neque etenim inter eos Chanaan filios, qui delendi essent, computantur. Vide Samaræus. Thou Rex fuit in Emath, 2. Reg. 8. v. 9. & 1. Paral. 18. v. 9. qui misit Joram (Adoram legit Paral.) filium suum ad Davidem congratulandum, quod Adarezer vicisset. Attamen Jeroboam filius Joæ, & Rex Israël restituit Damascum, & Emath Judæ in Israël. Mentio hujus Emath 4. Reg. 17. v. 24. & 30. c. 18. v. 34. c. 19. v. 13. & 2. Paral. 8. v. 3. Abiit quoque Rex Salomon in Emath Suba (aliàs Soba) & obtinuit eam, v. 4. & ædificavit Palmiram in deserto, & alias civitates munitissimas ædificavit in Emath. Emath etiam Isaia, ubi Arphad, & Emath. Vide Amathis. 1. Paralip. 18. v. 3. percussit David Adarezer Regem Soba regionis Hemath, quando perrexit, ut dilataret imperium suum usque ad flumen Euphratem.
32. 54.	67. 22.	Hammoth-Dor, Hemath-Dor, Hamon, nulla est inter urbes novendecim, quas recenset Josue in Tribu Nephthali, 19. v. 32. & seq. nisi cum Emath conveniat. Inter urbes Leviticæ à Tribu Nephthali excerptas, & Levitis à familia Gerson concessas Hammoth-Dor describitur ab ipso Josue 21. v. 32. quo loco 1. Paralip. 6. v. 76. legitur Hamon. Vide Animadv. Facileque concederem hanc urbem cum Emath (legunt alii Amath) convenire, & cum Amathunte Josephi.
33. 23.	67. 18.	Hamon aliàs Amon, decima quarta, aut decima sexta est urbium Tribus Aser, & inter Rohob, & Cana posita, Jos. 19. v. 18.
32. 47.	67. 14.	Hanathon in Tribu Zabulon urbs, Jos. 19. v. 14. de limitibus hujus Tribus: Et circuit (inquit) ad Aquilonem Hanathon, suntque egressus ejus Vallis Jephtahel.
32. 43.	66. 41.	Hapharaïm, quarta numeratur à Josue 19. v. 19. inter urbes sexdecim Tribus Isachar; eaque videtur inter Sunem sive Sunam, & Seon. Haran. V. Charan.
30. 55.	66. 31.	Hared urbs regia, ex Jos. 12. v. 14. ubi Rex Hered unus inter eos, quos devicit Josue, atque regis aut urbis Hered necdum fuit aliqua mentio, nec usquam erit: ideoque Hered eandem cum Arad facile dixerim, ut & Hered cum Eder. V. Arad.
31. 12. $\frac{1}{2}$	66. 13.	Haret Saltus, 1. Reg. 22. v. 5. in quem fugit David à facie Saül.
31. 21.	65. 42.	Harma, Horma, octava urbium tredecim primæ partis Tribus Simeon, Jos. 19. v. 4. ubi scribitur Harmas. Harmas etiam in Tribu Juda, 15. v. 30. sed Horma ea est, 1. Paralip. 4. v. 30. & ubi Judas Machab. populi Dux cum fratre Simeone percussit Chananæum, & interfecerunt eum, vocatumque est nomen urbis Horma, i. Anathema. Horma forsitan eadem erit, quæ dicitur in deserto, & quo usque Amalecites, & Chananæus percussere Israëlitas pugnantes contra Dei voluntatem, Numer. 14. v. 45.
29. 15.	67. 45.	Haseroth Israëlitarum statio in deserto, Numer. 11. v. 34. Egressi de sepulchris concupiscentiæ venerunt in Haseroth: ubi Maria Moyfis soror lepra percutitur, 12. v. 10. de Haseroth Israëlita venerunt in desertum Pharan, 13. v. 1. sed c. 33. v. 17. & 18. Haseroth est inter sepulchra concupiscentiæ & Rethma.